

四庫全書

集部

欽定四庫全書

儼山集卷十

明 陸深 撰

七言律詩二

五十首

對月

深院黃昏清露多月明初上女牆過行邊幾度圓如此
高處不勝寒奈何宿鳥頻翻動綠樹釣船遙憶開金波
山城漏永坐來久牛女今宵正隔河

淮陰祠

是非千載總成空
滿地淒涼在眼中
落葉數聲秋雨暗
女牆寒影夕陽紅
旌旗南國悲遊輦
圭璧東陲想故宮
書劍扁舟乘夜發
擁爐閒坐讀周公

虎丘

江鄉蕭颯不禁秋
古剎名山占此丘
雲護龍池迷鴈塔
雨平虎跡上漁舟
聲傳清楚疎鐘出
衣妥紅蓮極浦流
千古宛然渾在眼
越王臺畔女牆頭

澤國年年候農事恐驚風雨報西成

春雪後百廿日必有大風雨俗占謂

之雪報
最傷農

雪霽與朱子文陳起靜訪李百朋舟次先寄

雪消沙岸暗潮通南浦仙舟二妙同柳褪凍痕黃欲綻
鴈拖夕照晚猶風幾年鄉夢三更後十里波光一櫂中
復有月明同下榻山陰却笑興偏窮

甲戌四月八日再遊龍華有述

六日龍華兩度遊陸行騎馬水行舟風雲塔院松將暝

煙火村家麥已秋，病到靜餘初減藥。
望窮天際更登樓，桑榆苦愛清江曲。
常愧山僧半日留。

春興和張碧溪韻

天上歸來白玉京，茅堂依舊帶江城。
安身已辦烏皮几，晚食初嘗玉糝羹。
何用門前栽五柳，祇須石上結三生。
東風又送催花雨，起向花間次第行。

贈別碧溪次韻

江上忽聞歌濯纓，好風如護客南行。
黃金總為收書盡，

白髮長因覓句生鄉里定誇能老健交游誰復更多情
不須惆悵江湖晚造物從來本忌名

江上載疾送嚴介谿太史

風風雨雨度江來此歲登臨第一回五月葛衣猶未著
幾羣鷗鳥莫相猜催農已盡黃梅節送客須傳綠蟻盃
南去舵樓波浪闊望君真是濟川才

送黃竹泉兄弟南還

雪後遙山紫翠重宦情歸興二難同天邊樓闕身曾上

冀北風雲眼獨空到日春回紫荊樹去途詩和鵲鴿風
懸知別後相思處江北江南夜月中

除夜僦居對雪

誰遣天花白滿筵破除殘臘入新年江山萬里春猶淺
煙火千家夜未眠馬援歸來空有累揚雄老去始知玄
浮生踪跡元無定泥上飛鴻亦偶然

雪後遊廣恩寺贈同遊張儀部

落日未落西城西孤亭曲徑遶冰堤丹青合殿煙初暝

紫翠千峰雪後低，萬里旌旗聞戰伐。
一年風物送攀躋，同來苦愛張平子。
袖有琅玕錦繡題。

綠雨樓漫興

暑雨初晴樹色偏，晝長風景滿樓前。
天邊白鳥無雲沒，簾外青蟲映日懸。
古鼎香煙時裊裊，小池墨水復涓涓。
綸巾羽扇閒居服，獨對南薰理太玄。

禁中觀雨

天連仙掌曙光分，龍氣遙瞻五色文。
山勢淨依金殿轉，

簷聲清報玉堂聞似知佳節催農事願比甘霖奉聖君
昔日侍臣憐宋玉空將麗藻賦行雲

下陵

仙堦瑤砌雨如膏大饗初成月正高夜靜溪聲傳水樂
山空天籟奏松濤參差燈燭趨羣從次第官僚備列曹
更許乘驄向歸路一宵清境不知勞

月下懷王存約都諫倪本端祠部二首

歲晚相思雪滿庭也知祠部亦冰廳心期許我俱頭白

雲路何人獨眼青
落盡燈花收夜局
寄來詩草帶春星
長安客舍多如許
每過門時馬自停

雪後樓臺鬪月明
懷人咫尺最關情
心無機事如君少
時有詩篇過我評
琪樹夜寒巢鶴怨
紫簫聲遠彩鸞輕
想應正草回鑾疏
倚遍闌干卧未成

登翠微恭望長陵有述

春深王氣藹重重
身到中天望轉濃
近接星辰看拱極
遙從江漢識朝宗
風回喬木千章合
時有祥雲五色封

一自鼎湖仙去後萬年弓劍閔真龍

八日雪中自海子東過朝天宮習儀

今日自誇銀海過古來空羨雪谿遊連天紫氣迷金殿
遶郭青山盡白頭高處寒多渾可奈望中人遠不勝愁
一年長至須成慶重試雞人拜冕旒

展牲還

月照齋心萬慮空嚴寒時送北山風水蹄入夜天關紫

宵御分行燭影紅世事浮雲千態出

時秋臺越獄出入
皆檢頗恐恐不測

故人破凍一尊同江南苦憶歸耕地三匝茅堂一畝宮

廿四日再出視牲

落日朱衣五色紋天南清閤鎖祥雲重來正及春初動
歸去遙憐夜已分十里瑤壇當地脈萬年郊祀應乾文
風雲喜為傳消息翠輦黃麾度漢汾

郊壇還贈同行余德重副郎

貝闕珠宮上帝居月華夜氣鬪清虛西來步出天門迴
東望春隨斗柄初粉署仙郎時並馬禁城銀鑰尚留魚

御街風色香塵細吟過南郊十里餘

初與郊祀分獻風雲雷雨壇

露冕垂紳午夜長瑤壇灝氣正蒼蒼靈飈不度松聲細
端拜初來曙色涼願有風雷悟明主敢將雲雨賦襄王

時有所諷

圜丘禮樂今皇盛萬騎千廬簇女牆

時邊軍皆扈從入壇

候祭

神道如弦春月寒女城西畔第三壇樓臺始信中天起
星斗翻從下界看五色龍蛇搖羽蓋九重烟霧謁椒蘭

君王合在清齋殿共聽鐘聲夜向闌

孤悶中有懷途次兒女

細雨斜風隔市塵重門深巷怕逢人
春隨久病難為客
老覺虛名苦累身何處桃花流水漫一宵
魂夢鬢毛新
天涯兒女癡心在寄語家貧未是貧

秋懷

曲徑孤亭盡日幽砧聲又動一年秋
詩因才減頻留草
老為情多易得愁天上風雲金鼓迴
江南鴻鴈稻梁稠

陰晴却恐隨朝暮半月鄉書十度修

秋病

病裏逢秋愁轉多
隔窗風雨滿庭柯
寒衣欲授催砧杵
鄉夢初成繞薜蘿
天上樓臺真是好
人間岐路竟如何
山東兵氣看雲變
何日王師奏凱歌

奉和石齋少師對菊

封後文書紫閣閒
對花身在五雲間
松筠歲晚偏知己
桃李春歸空厚顏
自許託根依鳳闕
誰從落帽宴龍山

多情未忍輕歸去莫待金蓮輟送還

哭桴兒六首

生兒辛苦擬傳家搖落秋風感歲華過客虛煩竒跨竈
行憲留取亂塗鴉旅魂欲返疑無路淚眼頻揮似有花
強起憑高望南國斷雲流水遶天涯

經行無處不傷神新剪羅衫四尺勻病母五更能送藥
阼階三揖解迎賓渾疑死別還生別莫問前身與後身
我已白頭聊哭汝高堂更有白頭人

半生苦愛說忘情翻覺情多遣未成夢後青燈風不定
搔來白髮鏡偏明家書自寫疑還信世路誰憑住與行
悲怨短長吾豈敢空令身外有虛名

琴書辦得為消憂獨抱琴書可自由歸計未能隨北鴈
年華無奈逐東流廢來詩草誰收拾驗後醫方自檢求
賓客不通門巷寂幾番寒日下西樓

更闌愛聽短歌聲倦倚藤床趁晝屏幾處遠書還詫友
最憐同學尚尋兄鬢從此地雙蓬短人過中年萬念輕

後夜客居聊復爾淚痕偏映月華明

客舍并州背苑牆獨縈愁緒鬢絲蒼三千里外拋中產
四十年餘哭下殤院靜風簾隨日動城高霜角共更長
可能會得探環事來續衰翁未斷腸

五七哭桴次吳朝言御史韻二首

坐依塵榻起循牆一月情懷兩鬢蒼生死最憐俱作客
歲華翻恨未成殤何愁異日居人後空想他時共我長
見說食荼腸易苦極知荼苦不如腸

六齡攜汝即辭家能變南音語帶華時向西雍觀振鷺
遙從北闕認朝鴉乾坤有恨容啼鳥風雨何心妬落花
莫向故園傳此曲年年寒食海西涯

次韻溫菊莊大參

浣花溪上草堂閒多在青松白石間不與風雲重入夢
每逢山水一開顏慕陶興寄霜前菊和杜詩成雨後山
聞道年來倍強健溪藤高挂看雲還

寄懷

獨上滄江百尺臺，夕陽無數鳥飛回。
寒暄氣候隨時變，翻覆人情祇自猜。
白髮有期和我長，黃花著意為誰開。
壁間團扇尋常事，空說班娘最有才。

元年除夕試筆二首

歲寒冉冉夜將除，景物依依繞故廬。
大禹三江俱到海，春王五始合教書。
山中日月從閒積，天上風雲入望餘。
何用青銅看勲業，自應愁鬢已蕭疎。

蠟炬含風夜不寒，得從兒女簇杯盤。
麤知萬里歸猶暮，

老覺多情遣更難期與青春酬寸草羞將白髮付彈冠
百年塵世同官歷今夕明朝取次看

二日陰

江天不斷海雲生誰遣陰晴總未成苔片漸隨閒徑積
梅花欲傍小橋橫占年法向山農問種樹書從老圃評
幽興最關新節候莫教風雨妬春明


次韻王欽佩寄秦元甫

賦就停雲第幾篇江湖渺渺轉堪憐更隨驥尾知何地

同抱龍髯憶往年惆悵又逢三月暮夢魂多在五更前
金陵城裏山如畫城外誰營二頃田

山居和答鄒山人

城上樓臺隔暮霞敢誇泉石自成家空煩妙句追風雅
自許閒人領物華岸柳歲深高擁日潮田水落半侵沙
倚闌正見三江口剪取吳淞共試茶



嚴山集卷十

欽定四庫全書

集部

儼山集卷十一至
三

詳校官庶吉士_臣李如筠

中書_臣劉源溥覆勘

總校官庶吉士_臣何思鈞

校對官助教_臣卜惟吉

謄錄舉人_臣蔣雲師

欽定四庫全書

儼山集卷十一

明 陸深 撰

七言律詩三

五十首

寒食展墓

細雨東風曉未晴
養花天氣近清明
人間桃李俱生色
望裏松楸獨繫情
龍劍上騰星漢闊
奎章遙映錦雲橫
傷春不道春如許
芳草年年滿路生

初夏四首

桔槔聲裏送春歸，乳燕遷鶯接隊飛。
入硯柳花還礙筆，撲簾槐雨欲霑衣。
月茶初碾金文餅，團扇新裁白練機。
小閣正宜清潤候，晝長消得往來稀。

銀塘新水鴨頭紋，載酒浮花動午薰。
老圃養成三徑竹，野人耕破一溪雲。
簾纖雨脚晴不斷，怯恰鶯啼遠更聞。
為惜琴書妨溽暑，自鋤苔砌辨香芸。

穹林迢遞綠生煙，漠漠澄空映水田。
喚雨喚晴鳩不住。

能高能下燕頻穿春暉東去元無恙風力南來漸有權
起坐江樓自清曉游魚吹浪碧荷圓

綠陰庭院晝初長藥碾丹爐按古方病後精神渾愛惜
閒來文字費商量自攜藜榻安風背新作茅堂向水陽
子鱉正肥斑竹笋欲將身世老江鄉

夏日山居三首

柳烟槐雨帶斜陽極浦遙山入渺茫溪水通潮魚作隊
梅風催夏稻成行奇書到手添交直往事驚心免校量

縹緲有聲來別院小兒新課甫田章

小卜山居背郭開江流面面繞亭臺樹猶若此誰堪待
少不如人老漸來一曲緩歌聞白苧滿天涼雨過黃梅
野情轉覺閒方稱願與君王乞草萊

綠陰樹樹水田田坐愛牛羊散遠天風送潮聲來別浦
雲收雨脚過平川幾村茅屋青山外無數漁舟白鳥邊
不信桃源是何處每將文字萬人傳

初秋夜

隨身枕簟綺牕虛映水樓臺晚浴初夢裏已無投筆事
閒來如有絕交書看北斗知宵永驚早西風是病餘
家在吳淞江上住底須天際憶鱸魚

秋興三首

茂苑長洲東復東江天淼淼夜舍風誰家吹笛關山裏
幾處征衣搗練中鴈字未成雲又合魚書欲寄路難通
不知宋玉才多少只賦悲秋已自工

搖落年光急暮笳得開懷處是還家新涼門巷堪羅雀

舊業園田學種瓜
南浦風波看白鳥
東籬消息探黃花
疎慵莫道渾無事
袖手猶能領物華

半空涼籟撼千軍
滿地秋光錦繡紋
近水芙蓉先帶露
故園楊柳欲欺雲
憑高萬里從今見
行樂三秋自古聞
堪歎揚雄甘寂寞
一生空老太玄文

秋懷十二首

景物逢秋老更成
峽猿何必斷腸聲
習家池上歌如沸
庾亮樓頭月正明
萬里山川催木葉
五更鐘鼓動江城

當年與賜金莖露夢斷空瞻白玉京

天闊風高秋意多青山如削水層波知歸玄鳥遙憐汝
向晚黃花獨奈何故國笙歌遺玉樹前朝荊棘有銅駝
興亡亦是浮雲事古往今來鬢自皤

碧草幽花滿故園南山卧對久忘言年來行李書千卷
老去生涯水一村已辨弓蛇還石虎毋煩怨鶴與驚猿
秋光更比春光好蜂蝶紛紛不到門

青燈挑雨不成眠愛聽芭蕉夜似年去日苦多無計款

浮生如寄定誰賢
成功白髮馮唐老
好事青山謝客偏
他日向平粗畢願
懶雲秋水護沙田

斗帳香消病骨輕
少年憶得賦秋聲
青藜火煖西風勁
白玉堂深晝漏清
上帝雲霄陪絳節
仙人星漢濕金莖
高山流水空瞻邈
祗恐涓埃報未成

閒堦積雨長莓苔
藥裏詩籤手自裁
潦水正須愁八月
浮雲常與望三台
長沙早暑偏饒病
嶺表風波是有才
茅屋若為容我老
文章一洗舊悲哀

六代三吳業已荒英雄遺恨水茫茫試量秋與愁多少
始信年隨鬢短長江上野鳬爭得食山中叢桂早含霜
長門本為黃金賦賦就長門却自傷

一番風雨報園林岸柳汀蒲半不禁兔魄已隨華月滿
鳳棲應戀碧梧陰清商律應笙歌細白苧功多篋笥深
起向推移占物候為誰先有歲寒心

潮聲江上喚登臨日日東流故故深十尺蓴絲風蕩颺
一天魚信雨侵淫鷗夷去後猶堪恨禹蹟南來不可尋

一曲吳娃雙畫漿
蛟龍堆裏晝陰陰

總為秋光滿
葛巾未應偏
恠白頭新明珠本自能疑我
沙鳥何心却避人
一片雲輕終過眼
百年論定不隨身
草堂舊在三江上
聽水聽風知幾巡

團扇情多咏未休
井梧何事強知秋
霜華先上雙蓬鬢
壯氣空餘獨倚樓
誰復常何工薦士
徒聞李廣不封侯
千尋鐵鎖如堪借
借與人間鎖斷愁

病回門巷晝長局
留滯周南改歲星
滿目秋容頻看鏡

十年舊帶屢移釘高梧急雨聞金井柞火新涼照素屏
深夜不眠緣底事自攜鉛槧校丹經

自八月二日至六日皆大潮成巨浸頗得奇觀
愛看秋水坐斜曛汗漫東來昔未聞風送潮頭噴積雪
波連天際貼層雲高聲疑有蛟龍怒遠影空迷鸛鶴羣
安得此心無一事南華經裏老遺文

山堂晚晴觀楫兒作字

論文說劍更爭棋五十年来兩鬢絲無事可為甘袖手

有山如畫且題詩望中禾黍秋風粒夢後芭蕉夜雨枝
小兒映窓承落日雙鉤古帖坐教兒

元宵

橫笛短簫催暮筵星橋火樹共參天人于年穀占先兆
老向煙花正有緣霄漢無聲風力定山河留影月華圓
他鄉頻歲冰霜裏故國今宵殿閣邊

時余寓樓在邑庠禮殿經閣之後

渡江

桂楫蘭橈江水生前麾小隊渡江行人生幾度東風面

花信一番春雨晴初日出林光欲動豐泥逐馬滯猶輕
少年游釣難忘處莫恠丘園太有情

次韻王子升侍御登姑蘇玉峯二首

牙旗分隊捲芳埃獨上姑蘇百尺臺南斗下臨東海近
青山多在白雲隈謾勞此地興亡恨共仰中朝將相才
合是長城應萬里野人林壑卧蒼苔

目極長亭更短亭觀風使者節初停潮頭東去和雲白
山勢西來繞郭青艸冶鶯花春入望太平門戶畫長局

闔閭最愛干將劍化鶴歸來尚姓丁

舊墓

夕陽一片好山光
啼鳥啼猿總斷腸
有客已成風木恨
何人為廢蓼莪章
年年芳草催寒食
隱隱青山似洛陽
流水橋東頻立馬
一杯時復奠椒漿

七月四日與姚時望放舟過南浦

早秋煙水帶雲山
江上扁舟信往還
潮力漸隨青草短
野心元共白鷗閒
愛談舊事消殘暑
賴有青尊破老慳

四十年前釣游地歸來雙鬢已成斑

五日夜坐見新月

中庭秋影又經年節序驚傳巧夕前一井西風梧葉信
滿谿涼露稻花天多情宋玉偏工賦曉事揚雄晚尚玄
江上小堂蕉石裏不妨燈火抱書眠

元日渡江二首

殘日樓臺媚遠天清寒先覺鬢毛偏多情桑梓依江郭
過眼烟花改歲年龍氣常占雲五色蓬山只隔路三千

東風似解知人意吹向梅邊復柳邊

潮回沙際識春回遠見帆檣映雪開向晚中流空日月
倚天隔岸有樓臺波濤東下元相逐鷗鷺羣飛莫浪猜
一望海雲俱不極令人遙憶濟川才

懷江東山居

知非知命復知還不負青青屋後山無數好花臨水淨
幾羣嬌鳥弄春蠻子雲辭賦終成悔摩詰圖書早占閒
愛殺江樓無一事重簾長護白雲間

元宵風雨

風雨無端妬早春上元燈火寂遊塵此身天地誰非幻
何物陰晴解弄人臺殿下方空悵望星娥高處自精神
強扶殘病酬佳節絳蠟銀屏照座新

十八夜雨

細雨斜風轉寂寥開春燈火第三宵姮娥愛影收鸞鏡
歌吹生寒濕鳳簫此夜金吾還不禁多情銀燭更高燒
陰晴本自關天意恩怨人間總未消

雨中樓居

惜春心緒雨連宵作陣颺空勢轉驕
晚向梅花愁爛熳
早從桑土念飄搖
行人泥滑三汊路
漁子潮平獨樹橋
別有好懷高閣裏
捲簾香霧倚雲霄

出西郊書感

花香草色遍天涯
團蓋風多旭日遲
負郭人家田陌陌
送春心緒柳絲絲
未應華髮偏憐我
試問流年苦為誰
路繞溪迴無限好
何人不起釣游思

七夕與客夜坐

花外闌干雨乍稀
早秋風候報羅幃
億千萬劫俱遭遍
四十九年都是非
白石清泉初已遂
高山流水願多違
誰云白髮三千丈
信手梳來不過衣

和徐鶴谿宜興道中喜雨韻

谿上山青更水青
樓船搖動櫂歌聲
先嘗陽羨龍團細
不慕揚州鶴背輕
鐵甕潮聲還寂寞
銅棺秋色倍分明
仙郎才調元如錦
白雪新篇擊楫成

幹山曉發經行福泉過青龍

畫船春盡水雲和曉夢中間十里過山色擁螺澄海霧
溪流如帶綰江波逢人每問三三徑對酒遙聞款款歌
最愛凌空凭鴈塔何妨此地著漁蓑

青龍南寺與時望輩步過北寺觀三亭橋冒雨
乘肩輿還

漠漠谿田半草萊曾聞此地起樓臺黃金歌舞有時盡
赤縣軒墀何日開高閣俯闌驚鸛鵲古碑看字別莓苔

軟輿十里乘春雨花柳情多喜客來

詠鶴

予蓄二鶴于山居標格異凡實華亭種云修吭高足
鳳臆龜文鳴聲清亮真仙人之騏驎也往歲為魯夫
傷其一孤雄匹處若怨若慕益深孤潔之趣每加眷
恤日益馴擾時望見予輒鳴舞不已若迎若導予益
憐之丁亥之秋予渡自水東為旬月之留是鶴忽飛
止寓樓之外人共異之文學姚時望即日賦詩比于

道義至謂士君子反面者為薄蓋有刺焉予覽之梗
槩于中援筆和焉

翩翩一鶴下雲中正倚高樓落日東憶得羽毛如昨夢
不教心力破長空呼童護足防秋雨看汝梳翎颺晚風
赤壁青田是何處忘機聊與海鷗同

王昭君

昭君出塞自是漢人禦戎失策却與尋常婦人失身
不同斬毛延壽正是淫其色耳殊不成誅賞昭君既

去亦不見有思漢思歸之意後來受彼淫烝已化其俗矣古今詩人咏昭君多是題蔡琰耳與文姬事頗不同此亦史傳疑義因華泉有作次韻

却抱琵琶別漢宮
長城萬里戍樓空
一身遠嫁從明主
半面新粧付畫工
雲外不殊青瑣月
塞前初緊黑山風
異鄉景物新相識
無限悲歡曉角中

題南莊號

背倚青山面水田
草堂修竹向陽天
夜深南斗當牕見

雨後薰風掠燕翩
牧笛農歌俱負郭
西成東作總豐年
主人愛打蒲團坐
一卷莊生秋水篇

題松泉號

藤杖芒鞋白疊巾
松泉隨處是知音
半空素練懸秋色
十里青山蕩午陰
坐愛團團當偃蓋
卧聽嗚咽替彈琴
道人緣業休相問
聲色中間未了心

題漁樂圖

平沙坦路有風濤
便欲移家傍此曹
鼓櫂鳴榔自成趣

賣魚沽酒不辭勞
拖藍檻水春雲膩
破白船窗夜月高
收網一燈山下泊
綠簑衣底讀離騷

贈別鄭蔗

新作相逢別更新
雨中心緒病中身
空勞魂夢遊千里
又負鶯花過一春
江上水深芳草合
尊前人遠尺書頻
歸舟若度嚴陵瀨
此夜燈花定有神

儼山集卷十一

欽定四庫全書

儼山集卷十二

明 陸深 撰

七言律詩四

五十首

八月十六夜渡江

天上金波影未闌
人間已作隔宵看
千家香霧籠銀兔
一派天風吹紫鸞
夜色分秋當二八
桂華作意讓團圓
不知高處還誰忌
倚徧幽人十二闌

玉舜十八首

嘉靖乙酉八月晦日予卧疴山堂木槿一株白
花千葉移植盆中與表弟顧世安文學姚時
望孫則夫把酒賞之為賦近體一首

曾聞鄭女詠同車更愛丰標淡有華欲傍苔莓橫野渡
似將鉛粉鬪朝霞品題從此添高價物色仍煩築短沙
漫道春來李能白秋風一種玉無瑕

時望渡江去與世安坐對疊韻

冰肌素質雪翻車搖動秋光歲有華映水盈盈弄雲日
隔谿澹澹鎖煙霞野人酷愛編青鄣老圃先教擁白沙
聞道瓊花最奇絕揚州望幸却微瑕

九月朔晨起盆中再著數花適錢國輔自松城
至為余作儼山玉舜圖邑中數客繼集而世
安具扁舟西去矣即席再疊

月下風前宜小車令傳白帝斂繁華漫揮詞手填青玉
欲酹花神澆紫霞佳節正逢黃菊信高情分占白鷗沙

相如自保完歸去趙璧從來本不瑕

按毛詩疏舜華木槿也本以色取朝榮夕瘁
還以寓色衰愛渝之戒此詩人之志也予東
吳薄海壤沃宜槿每當臘月條而樹之無不
活至來歲即暢茂作花紅紫甚富往往村落
人家以編籬障不甚貴重也白色者予近始
得之葉似菊而幹類竹扶疎隱映頗有風韻
若幽人貞士混跡于樵童牧豎之間履素而

逸羣荒煙野草閒然有不顧人知之意予甚
愛之昔離騷草木多以自況芳臭勁脆靈均
蓋三致志云百世而下覽其物者未嘗不為
屈子增悲焉何則物因勢殊情隨事感古今
同然此人心也予為賦玉舜詩將以傳之好
事君子茲花儻因子而見重是未可知也諺
曰女無正色物無定形顧其遭逢何如爾斯
言豈不信哉豈不信哉

時望一和得五首再疊一首為答

羨汝胸中書五車登高還共賦瑤華幾家籬落多秋意
一樹冰霜帶暮霞不是託根通閬苑即疑傳種自流沙
最憐未識東風面一見東風定有瑕

再疊答諸賢和章

日日詩筒走傳車山中草樹有光華花神讓雪三分白
丈氣成龍五色霞肺病夜牕和玉露美人秋水隔江沙
無由報得風騷手白玉明珠總未瑕

秋日鶴溪明府過山居見和玉舜七首再疊三
首為答

門外頻勞長者車，山中風物過繁華。
未成雪卧袁高士，已見仙才蔡少霞。
一任登臨留勝槩，虛煩拂拭到泥沙。
欲將花比河陽縣，花似潘郎恨有瑕。

羊裘曾起赴安車，恨殺當年寵麗華。
木槿籬間好風露，芙蓉江上共煙霞。
移將一樹渾如玉，老去閒居却枕沙。
陶令閒情空有賦，從來白璧忌微瑕。

緣江路僻不容車，開過芙蓉又舜華。
澹泊看花宜待月，風雲映水盡為霞。
正堪結社三江口，何似封侯萬里沙。
試把一杯重酌汝，不須自獻玉無瑕。

西津沈方伯屢和至十八首，未已，再疊二首為

答

班輸妙具九攻車，何似休文句最華。
曉日芙蓉出溪水，暮雲楊柳隔江霞。
曾聞南國甘棠詠，須築長安宰相沙。
劫火自驚山石烈，不知白璧本無瑕。

每向花前望小車詩成一一歎才華須煩妙手題黃絹
絕勝當筵賦落霞一任江天狎鷗鳥十年邊塞長風沙
晏嬰猶惜封書社衛國何勞怨子瑕

陳仲魯玉舜諸作予讀之悲其志焉再疊一首
慰之

凌波仙子下雲車想見銖衣濕露華萬種閒情偏隔水
一天佳氣半成霞緒風寒勒花間蝶落日晴銜江上沙
辦得素心終不改有人抵死保無瑕

再疊得七首

伐檀江上未成車，獨立西風殿歲華。
誰復賞心同素月，自憐春殿隔紅霞。
前身合住瓊花觀，託跡遙連杜若沙。
不是風雲終少氣，翻緣玉石共無瑕。

疑是星精謫五車，不隨紅紫領韶華。
疎籬野水誰成伴，淡雨微雲欲變霞。
為客緇衣驚歲月，倩人團扇掩風沙。
閒情脈脈秋江上，玉面啼痕錯認瑕。

顏如穠李不同車，千古詩人詠德華。
涼信預教秋作伴，

孤芳無藉錦為霞夢迴歲月梨花院望斷西風白鷺沙
攜向玉闌干畔種青蠅不放點成瑕

風雨無端懶稅車坐當秋水閱南華花開一樹臨重九
人倚高城望少霞顏色不隨游女豔心情常近狎鷗沙
絕憐何用頻攜酒霑醉姿容玉帶瑕

繞簷鐵馬驟鳴車花有清陰月有華江上水天同一色
望中臺殿隔西霞風隨秋遠聞香露潮識谿寒閣淺沙
無計可留搖落盡共梅開處鬪無瑕

水雲深處挽羊車尋樂尋芳濕露華花徑五風還十雨
江天孤鶩伴飛霞霜前已露全身白風外遙憐半面沙
愛殺臨流晴照影青銅如拭淨無瑕

看花每枉故人車花亦迎人帶露華是處倚闌憐夜月
幾迴攜酒泛春霞銀瓶手挿新添水玉樹情親細碾沙
欲寄報章重閣筆墨痕翻惜繭光瑕

晚飲張虞卿舍西江泛月還舟

南鄰歸去夜如何鼓吹無風擢有歌兩岸碧波潮力定

一身清露月明多
天空星斗中流動
家近舟航一水過
千古勝遊誰得似
前須太白後東坡

九日

滿目雲山氣轉豪
一年佳節又登高
天連澤國西風遠
書寄秋懷北鴈勞
三徑素盟頻問菊
六經遺事且題糕
授衣時敘偏驚眼
篋裏猶餘舊賜袍

九月望初寒獨坐

風迴野渡水雲空
猶是江南九月中
病後歲寒偏覺早

眼前心賞更誰同
蕭蕭竹院詩初就
曲曲山居畫未工
賴有夕陽西浦上
殷勤留送半牕紅

十月朔與客汎舟遊靜安寺

蘆子東西野渡邊
前朝宮殿赤烏年
夕陽逗林鐘磬響
湧泉墮地球璣圓
蕭然冠服豈傲吏
偶爾賓從如登仙
三江禹蹟不可問
一舸鷗夷非肯賢

十一月朔江門觀漲

渺渺煙波連海門
長風吹浪晝為昏
磯頭錦樹隨船出

天上銀河倒地喧，便欲乘槎貫牛斗。
却愁斷梗失山村，新寒十月登樓望。
岸草汀花半不存。

七寶鎮擬訪黃天章憲副寒甚不果

乘興何妨似剡溪，故人只隔市橋西。
心情聊復同雲水，蹤跡真憐在雪泥。
白下館前時繫馬，黃金臺下共聞雞。
扁舟定有重來約，來上春風細柳堤。

遊東石山園

度壑穿巖窅窕通，好山多在夕陽東。
望窮碧海龍宮近，

踏破蒼苔鳥篆工
花塢四時常帶雨
洞門終日細含風
仙蹤法界如堪擬
不是蓬壺即華嵩

乙酉歲除

細雨催春歲又除
縣城燈火接郊墟
百年到我強過半
萬事于人總不如
弊齒病深拋酒醖
安心法在卜山居
東風若問新消息
多上蒲團少著書

丙戌元宵

上元燈火鬪嬋娟
滿月輕風夜可憐
人踏六鰲看海市

天連萬炬候星躔樓臺影裏疑無地歌吹聲中含有緣
管取一春多樂事試從今夕卜豐年

次韻楊伯立春興

江南地僻晝如年春與閒人別有緣滿徑落花風陣陣
一犁新雨水田田池塘草長詩成夢簾幙寒輕酒擅權
四壁已空諸業盡囊中剛剩買山錢

春雪

少年端策覲君王記得春陰賦玉堂今日閉門風雪裏

五更孤枕夢魂長薄田已就資生計省事初營却老方
尚有圖書拋未得教兒多種翠芸香

三月三日

一年一度春最好三月三日烟雨中花外小車停過客
山陰禊事想遺風高樓正繞長江去舊壘新看乳燕通
桃李成蹊總相似行人莫問午橋東

清明出行阡丘

病來廿日始勝冠花柳清明滿畫闌二月光陰半晴雨

百年塵世幾悲歡
王孫芳草連天碧
燕子東風作陣寒
萬事山頭一抔土
麒麟留得後人看

清明後一朝見桃花有感

因誦楊孟載也無人折休相妬才有鶯啼

更可憐之句

玄都觀裏到應遲
前度劉郎鬢已絲
燕語鶯啼有何意
石橋流水至今疑
一枝帶雨比顏色
千樹蒸霞勞夢思
莫遣漁郎重問路
此中元少外人知

和郁潮州

欲從東海望蓬萊試上江頭百尺臺春色送將拚獨醉
好懷留取為君開詩成滿砌翻紅藥客去閒門長綠苔
寄語桃花休折盡劉郎應是不重來

五十生朝自壽

年行五十鬢猶青浪許前身是歲星三刖尚存和氏璧

一區初築子雲亭

予是歲始有居

人間好景中秋月世上浮名

五夜螢偏愛江山圍故國欲將非是問蒼冥

十四日晚渡

團圓寶月漾空明東去疑從不夜城風送潮頭回別浦
水無涼氣弄新晴鵲填銀漢橋初就鴈布瑤空陣乍成
一櫂中流雙擊楫隔江時度紫簫聲

餞顧東江宗伯于禮塔匯留題

千年地勝湖山繞十月江寒樹葉稀人向別時身是客
舟從行處岸如飛舊家池館誰還念落日風帆我自歸
天北天南俱逆旅莫將去住與心違

山中歲暮得旨召還翰林無許春坊供職志感

一首

玉堂金馬是重來新詔青坊許並開豈有涓埃報明主
虛煩聲價築高臺千年禮樂還周典一代宸奎陋漢才
直北長安天咫尺紅雲無數繞三台

平望阻風期友人不值

渺渺碧波連白雲期君不見重思君妬花信急春如許
折柳情多日又曛山色水光餘此地酒懷詩興憶離羣
陽侯若借東風便燈火樓船坐論文

嘉禾道中

畫旗搖曳午風多，金鼓聲繁水漫波。
春色二分看正好，國恩千載報如何。
江天路接心逾遠，花柳村深氣尚和。
童冠相隨單袷具，康衢時聽隔林歌。

陳東祠堂

郵籤初下雲陽驛，國士有懷陳少陽。
人世自應餘感慨，東風元不管興亡。
誰無一死寧須晚，事到千年更有光。
當日上書多輟報，至今遺恨說汪黃。

維揚懷古

輦道蕪煙江水流
遊魂不載舊龍舟
花開綵樹春光永
火煖沈香瑞氣浮
絕域衣冠朝萬國
拂雲宮闕遞千秋
可憐惟有東征役
星散旌旗戰骨哀

三月晦登羊山望下邳

一年春色此登臨
入望遙山紫翠深
二水帆檣風獵獵
半空樓閣晝陰陰
何當開鑿留形勝
不盡煙花自古今
直北風雲最高處
極天關塞築黃金

東昌懷古

旌旗簫鼓畫船過風送長河渺渺波水報郵籤朱夏晚
岸縈官柳綠雲和聊城不下遺書在泰岱乾封往事多
七十二君空有錄莫因秦漢問如何

端午自天津發舟入潞河與夏公謹給事晚坐
雲際高城萬國通端陽佳節旅行中蕪葭碧映潮頭月
楊柳陰依水面風天近北辰龍有氣地偏東海望無窮
蒲尊箬簟依然在楚調吳歌一笑同

七月七日以公事出城同林介立遊廣恩寺

年年七夕是秋期殘暑猶存感歲時未對天邊新月偃
先貪林下午陰遲城鴉殿鵲紅雲繞宿鳥鳴蟬碧樹移
兩月都門塵撲面偶同心賞一題詩

與顧未齋遊西山過海子橋有作

新水平疇逐馬蹄白鷗黃鳥灤東西風雲天上身仍健
雞犬淮南路欲迷倒影樓臺舍旭日送春蒲柳拍長堤
美人期我城陰曲已有風花入品題

和未齋韻寄徽州鄭珏山人

別後風煙去幾重
思君多在鶴歸松
槭中尺素雙雙鯉
門外黃山六六峯
花發春深行對酒
地偏日晚坐聞鐘
遙知十畝樓賢宅
却比丹青韻更濃

十七夜待月

紫閣黃扉切九霄
中秋待月第三宵
天高易識龍文動
海近偏憐蜃氣消
十幅秋光障雲母
一簾涼影弄冰綃
欲憑絃管吹雲散
忽有雲間起鳳簫

再出郊壇視牲王正十日早于華蓋殿復命

九天風物麗春陽來自南郊夜未央
龍馭遙傳香裊裊鴈行時送珮鏘鏘
步依玉砌雕闌繞立近珠簾繡帶長
華蓋極天懸法象此身真到白雲鄉

儼山集卷十二

欽定四庫全書

儼山集卷十三

明 陸深 撰

七言律詩

五十首

賦得禁中早春

重重臺殿護雕闌
欲動春聲鶯尚寒
旗影漸隨風力軟
凍痕初映日華乾
雲依紫蓋和香度
龍抱黃金帶雨盤
世道正同陽道長
午門朝下雜千官

南郊雪後齋宮候朝

雪片煙綃積漸和紫壇瑤殿接星河風行法駕塵颺盡
雲護真龍雨意多萬乘旌旗環御蹕千官綵繡濕恩波
揚雄老獻河東賦何似明堂九德歌

禮成下壇時天宇朗霽

星橋閣道倚層霄一徑天闕紫翠遙合殿椒蘭含瑞氣
九重煙霧鎖春宵萬年天子調元化四海諸侯奉大朝
天意直教明主識風雲盡捲雪全消

重登子陵客星亭望釣臺二首

萬古江山復此亭，天邊自有少微星。
人生俯仰成今昔，客裏悲歡付醉醒。
誰為漢家延國祚，欲從嚴瀨問山靈。
浮雲逝水秋風闊，極目遙空環翠屏。

煙霞冉冉去還迷，紫翠重重高復低。
雙柱挿天擎日月，一溪流水隔東西。
騷人道路頻回首，客子光陰覓舊題。
悵望高風千仞外，敢將容易事攀躋。

蘭谿易舟愈小而北望愈遠

山峯疊疊水潭潭欲斷還開去始諳
淨照波光深見石
遠分秋色半成嵐夢魂總不離天上
身世虛憐是斗南
買得溪船如一葉茶煙頻颺酒微酣

自懷玉驛復行舟

行盡山程復水程
南山徑更須行
攀高漸識浮雲薄
度險頻驚怪石輕
到處一身真逆旅
傳來滿耳總虛名
陰晴未定秋將半
忽聽松聲是雨聲

鵝湖曉發

稻田迤邐水潺湲不待黃梁已度關去路每看青嶂合
穿林時攬白雲還秋風午日炎涼裏牧笛樵歌楚粵間
惆悵平生最奇絕未應向晚過千山

遊武夷二首

武夷宮前九曲谿好峯多在夕陽西仙人飛度無行徑
過客躋攀有杖藜草樹陰陰連碧落風煙裊裊引丹梯
相傳亦是秦人隱何必桃源路始迷

日日溪頭風日清擢歌聲裏鏡中行千巖萬壑不知處

芳草幽花苦問名
照影碧潭憐我老
分秋華月向誰明
山川如畫人如玉
望闕懷鄉無限情

九月朔餞別過水南

年年席上看圖畫
秋日人從畫裏行
夾道古松飛蓋迴
漫灘奇石綵船輕
依山別館雲封戶
入市流泉竹遶城
回首夕陽無限好
紫青如繡五雲明

十月十日雨

南州雨意萬山深
毒霧蠻煙半月陰
細草公庭秋淅淅

隔花宮漏夜沈沈
溪流破白添新漲
雲岫拖青失舊林
靜倚客窗聽不厭
乾坤隨處望為霖

雨中發玉山

歲晚煙雲釀薄寒
好山正向雨中看
斷橋流水橫漁艇
要路豐泥沒馬鞍
初向玉山迎勅使

時初接勅

遠從閩嶺望

長安北來南去年
光裏却恐盧生夢未闌

過草萍

山作重圍天共低
一灘分水浙東西
雲邊野菜挑冬筍

客裏行廚趁午鷄
鶴背還霑瀑布雨
馬蹄偏戀錦障泥
勝遊若許開晴照
為借仙人一杖藜

桐江

北風瑟瑟灘悠悠
行盡桐江興轉幽
水西半天墮紅日
溪南諸峯偶白頭
嚴陵自是高隱地
錢塘從古帝王州
海雲不斷三山近
時有青紅起蜃樓

和汪有之園亭之作

一區猶愧子雲才
薄有茅堂傍水開
遠信經秋憑雁到

問奇長日有人來好花隔岸飛紅雨新筍穿籬迸綠苔
同上玉堂俱出牧却從湖海望蓬萊

春日有懷王天宇嘉定

美人祇隔淞江水不待秋風首重回今日吳公居第一
少年賈傅最多才遙憐細雨催春到忽憶桃花對酒開
病骨幾時堪束帶紫扉青瑣共金臺

清明前一日過毘陵

老去逢春春更妍杏花開爛柳含煙風旂金鼓頻過寺

石岸樓臺遠接天潮信有期通大海賞心如昨換流年
禁煙時節江南路畫裏山川行畫船

庚寅三月三日渡江

明歲行年五十五今晨渡江三月三鷗盟鷺渚他無恙
鵬海龍沙我所諳北固山前帆欲滿東風陣裏酒微酣
樓船簫鼓旌旗繞黃紙功名老尚堪

宿州道中

水郭山村不計程淮陽春晚更多情靈風常傍征旂繞

宿雨新添野潦明
麥葉青青初覆雉
柳條落落未藏鶯
風雲亦是尋常事
陌上沙頭盡日行

憩驛亭畫夢

蕉鹿何心得失間
如何連夜夢家山
藥欄定為游人遍
水閣唯應送客關
春日欲晴常帶雨
客途雖好不如還
少年最愛河東問
抽筆渾慚鬢已斑

睢陽禮月

金鼓聲繁夜向闌
叩天無計路漫漫
埋將桂樹三千丈

失却姮娥十二闌
后羿彎弧空躍鑠
玉川流涕正沈瀾
由來天上成虧事
付與人間仔細看

行經隋堤有感

端委猶堪致太平
龍舟錦纜竟何成
空餘細水緣堤曲
別有垂楊帶晚晴
社燕歸來如有恨
閒花開遍不知名
行人誰管興亡事
但說揚州接汴京

自清華西行村落間
殊勝平疇流水果園竹徑
驟作鄉思

燕麥青青柿葉肥江南回首正依依千竿新竹消蒼雪
一帶遙山深翠微閒任野禽啼樾塢細分流水繞柴扉
那知身是乘驄客疑向花前跨鶴歸

淨果寺晚眺

權店驛前山晚晴天留高賞待西征北來形勝重闌紫
春去鶯花幾樹明風物未緣懷故土文章終恐是虛名
紆從一徑過僧寺紅藥翻堦憶五城

曉發權店行兩山間流泉耕牧漸觸見聞

山花紅映石泉流初見牛羊散古丘秦晉河山俱重鎮
唐虞風土此中州彫殘極目知生計慷慨何能與國謀
頭白官僚半文字東風又上皂貂裘

四月晦日孟縣試諸生

園棘森森翠幄重清和時候日高春魚龍隊裏波濤闊
桃李陰中雨露濃未為驪黃妨駿馬先從拱把養長松
風傳筆陣春蠶細繞郭青山鎖萬峯

自孟縣度石梯嶺

絕塞風多四望寬始知天上不勝寒依稀步入羊羣化
次第行隨鳥背盤撲面榆錢迎棧閣染衣山黛落征鞍
闕門去雁無消息滿紙書成欲寄難

忻州試院雨中閑卷

江南五月黃梅雨帶雨滋花向晉陽映空游絲濕欲墮
赴壑細渠流未長重簷浙浙雜午漏晝寢冉冉凝清香
須女為霖佐明主莫將小技賦襄王

五月十八日代州籌邊堂同陳憲副汝正大閱

諸生因贈汝正

白馬翩翩綵鶴開牙旗行帳遶層臺一時得共關山勝
他日須收將相才鳳閣龍樓俱咫尺瘴煙蠻雨乍歸來
君侯亦是三湘客莫漫凌雲賦楚哀

繁峙率文武諸生較射

沙融草淺繞青山冠序童年各就班叅合地承魚麗陣
崔嵬天險雁門關遙聞白羽鳴風調時向烏號抱月彎
金馬雲臺俱不薄文章功業古人間

南峪雨後取道上五臺

六月蕭然似晚秋登高重整木綿裘即看滿澗泉初出
知是前巖雨乍收碧嶂旋隨孤鳥沒白雲常傍古松留
幽芳一路無人采何處三山更十洲

入五臺

山水情多不自由白頭終作五臺游萬重雲樹高低出
千里滄沱背面流絕頂只疑天北極朝陽初見海東頭
共傳此是清涼地為洗煩心盡日留

欽定四庫全書

嶺山集
卷十三

遊五臺

五雲常覆五臺端天近清都特地寒澗道千年冰未化
林梢一夜雨初乾黃河紫塞依依見碧殿朱樓面面看
萬壑千巖青未了更從高處望長安

宿顯通寺

一榻空齋臥白雲青燈微雨夜初分無緣十日慚凡骨
有夢三台繞聖君別院鷄催山月吐迴廊魚咽澗風聞
青山亦是人間世自覺悠然隔世紛

竹林寺避雨

十里肩輿石磴深禪房瀟灑亂峯陰巖花笑裏饒佳色
山鳥倦餘懷好音下界風雷喧衆壑上方鐘鼓出長林
蒼生正有為霖望慙愧西來冒雨心

竹林擬宿

未為長歌行路難青山最愛雨中看圖書暫許淹塵榻
蔬蕨先教具午餐碧樹洗空千澗出白雲封滿萬松寒
天留再宿清涼境明日溪南十八盤

欽定四庫全書

嶺山集
卷十三

清涼石

石長一丈六尺餘闊僅及丈
云生五七百人以此見異

炙手熏心事已多曉涼來撫石盤陀不爭可受千人坐
無事應須百遍過初日射林光歷亂嬾雲將雨濕嵯峨
夜深或有騎牛到堪和南山扣角歌

七月十一日雨後東巡過鳴謙驛

客居何似隱居閒城裏不如城外山澗水獨澄吟骨瘦
秋風又上鬢毛斑黃花信早高低路白雁霜前紫翠闌
愛殺無心雲一片隨風飛去復飛還

廿日發晉定

秋風七月度榆關秋色千巖雨後閒不向此中添白髮

只疑無地着青山補天人遠留遺事

女媧煉石竈在東浮山

背水

功成合早還多少高懷付長嘯興亡元自落人間

九月將望始對菊

遙憐佳節過重陽疊疊青山近短牆忽見黃花和我瘦
不知白日為誰忙買栽自嘆居無地欲挿先憐鬢有霜
攜向小齋風露背捲簾邀日伴秋光

分司院前植蓼雨後着花嫣然感秋懷土

我家本住江湖上獨客遠憐山谷中忽見庭花紅帶雨
恍疑浦樹碧含風此身去住渾無賴隨地寒暄自不同
試問桑榆能幾許長途南北又西東

十二月重渡江東歸用前三字韻

江頭十二月十二憶昨開帆三月三山川南北俱經過
氣候寒暄已飽諳月色下澄江更遠潮聲驚破夢初酣
君恩難報親廬近國事鄉心總未堪

辛卯三月三日再疊前韻三首

百年過半五十五一春最好三月三茂林修竹事可續
隨柳傍花予素諳暖愛遊蜂衙正放晴看行蟻戰方酣
士師何止三宜黜中散虛傳七不堪

陶令閒居愛重九故園今日是重三一觴一咏風猶在
江外江頭路總諳地僻仙家無歲歷花開國色帶朝酣
黃鸝紫燕渾相識舊壘新枝事事堪

江天十日晴無一花市殘時月過三賣困送窮方不驗

品茶鬪草事多諳新資恰有詩千首舊恨惟憑酒半酣
不是廣平心似鐵粉勻香沁更誰堪

八月九日月夜泊舟鳳凰橋

鳳凰山下鳳凰橋與客移舟自海潮中半秋光明月小
參差山勢碧波遙四時得意真行樂一榻高眠慰久要
為問向陽多少地種梧栽竹老清朝

過北簪觀舊題自西嶺步歸

南山初下北山湄慚愧山靈舊有移看種松篁如昨日

來驚霜露已多時漫遊最好逢僧寺閱世無過與客棋
兩腋天風送歸袖野花開遍棘成籬


舟去速遂罷入寺從塔院西畔泛青龍故江

落日遙牽錦纜齊青龍江水故通西采藍斲藥多成市
颺網投竿盡繞堤一曲吳歌猶款乃千年禹蹟半萋迷
勝遊回首驚秋鬢怕向紗籠覓舊題

登鳳凰山絕頂

南山佳氣鬱嵯峨特地扁舟百里過緩步暗扶筋力倦

高登偏覺海天多
閨中素練衣初具
天上風雲氣向和
却立許時慙大手
磨崖欲寫中興歌



儼山集卷十三

欽定四庫全書

集部

儼山集卷十四至
七

詳校官庶吉士_臣李如筠

中書_臣劉源溥覆勘

總校官庶吉士_臣何思鈞

校對官助教_臣卜惟吉

謄錄舉人_臣蔣雲師

欽定四庫全書

儼山集卷十四

明 陸深 撰

七言律詩

五十首

晨登庫公山

山形橫如軸正當鳳喙地理家謂之丹鳳銜書

丹鳳銜書下九霄分明形勝見山椒先秋古樹蒼黃出
映日高峯紫翠搖稅地澆花人未老買船載酒路非遙

經行更愛清溪曲若箇淮南苦見招

宿布金寺

五年荏苒重過寺一夜空明獨倚樓水亦何緣俱到海
心如無礙總忘鷗細尋往事和頭白多感新涼與病瘳
安用遠公要靖節暫隨蝴蝶化莊周

將抵關橋迎漲泊舟北岸待月

簇簇江雲妬月明悠悠沙岸海潮生漁歸別浦風無力
人語孤村夜有聲頗費推移為去住尚勞恩怨是陰晴

茲遊逐水留三宿別近翻多戀別情

連夜月色甚佳浦上尤勝西渡有作

昨宵對月思東渡今夕月明西渡江紅燈照漁隱數點
白鳥傍人驚一雙恍疑混沌太古色忽聞欸乃俚人腔一
天星斗浸上下時有波影搖船窻

渡江

本有江南水竹情謬持華藻謁承明四年五向金焦渡

戊子北渡已丑南渡
庚寅兩渡辛卯西渡

萬里重為晉冀行臣罪每蒙明主

貫吏文先為故人驚風前又聽滄浪起兩鬢霜寒一棹輕

維揚哭蔡石岡侍郎

魚鳥猶疑水上軍
河州重到不堪聞
才名滿世誰當忌
膏馥宜人祇自焚
已向蓋棺須論定
聊從破篋覓遺文
西門總是傷心地
淚迸羊曇濕暮雲

懷寄喬白巖太宰

吳山楚水謝行舟
望入榆關路轉悠
聊向歲寒占緯候

旋看春色動林丘相逢先問尚書履願見渾勝萬戶侯
憶昨過江勞物色是誰同載上揚州

宿遷曉發

重裘絮帽北行裝地炕煤爐候曉光十里鷄聲常帶月
五更蝶夢半還鄉關河遠近俱蕭索岐路東西各渺茫
不怕孤危緣歷慣太行春更羊腸

雪後登平潭驛樓

面面峯巒一水通危樓正倚夕陽東自將短髮明殘雪

閒看孤雲送斷鴻
北斗地高天更遠
巴人心苦調逾工
南冠歲晚催歸客
合讓元龍臥此中

除日平潭道中

陽和藹藹度郊墟
鳳歷拈來歲又除
萬事可齊終有盡
一生能幾苦求餘
茆茨人靜鷄聲早
闕塞天高雁影疎
欲寄封書東海上
藥闌花塢近何如

呂左丞書院

穹林古寺有殘僧
指點前朝呂左丞
石洞歲深苔黯黯

礪牆春早雪層層舊藏萬卷龍常護欲寄雙槭雁可憑
星斗夜闌雲霧裏州人遙見讀書燈

孫傑太守高嶺書院

石梯隨步與雲升又是青山第幾層望到只疑天更近
興來唯有斗堪凭嶺頭日月開昏曉洞口詩書感廢興
一自文翁歸蜀後手扶風教有誰能

孫太守兄弟陪遊郤家瀑

水簾瀑布見應多疊嶂層巒奈此何春向雪中翻玉乳

人從天上挽銀河久蒙郗姓宜攀桂未必王家勝浴鵝
好事主人金玉侶遠攜名酒沸清歌

南里楊用之憲副朝回遂歸共遊城南嘉山

二月二日榆關春流盃猶在蹟俱陳谿風撲面知新候
野老傳名愛古人山外有山青不斷客中逢客意偏親
桑田滄海尋常事共惜尊前萬里身

嘉山次韻郗文淵知州

尋山問水約同行嫩柳初勻花欲明正及人間修禊節

更堪林外踏歌聲
病嚴酒戒三分量
清愛茶烟一縷紫
韋杜去天元尺五
不辭歸路暮雲平

次韻再答郗文淵

久客寧忘地主賢
每勞移步出花前
川園風日春難老
山抱樓臺月又圓
燕子暖泥低掠水
王孫芳草遠連天
行藏未定頻看鏡
獨羨君歸及壯年

送王賓峯赴陝西太僕少卿

初從白豸換金緋
遙拜彤墀達紫微
外省中臺無別署

求才買駿本同機，秦關百二沙場迴渭苑。
三千塞草肥龍種，不緣常在野雲車。
留取待驂駢。

贈高如齋少參巡雲中

北門鎖鑰紫薇廳，新轉官階舊典刑。
鼓角令嚴邊月曉，旌旗春暖塞雲青。
臺懸駿骨千金重，身作長城萬里寧。
會見極天歌帝力，聊將風力掃王庭。

栢井

東下重關紫翠深，好山如戟送歸心。
瑤空日月雙行蟻。

夏木園林一變禽旗畫半銷嵐氣濕邊烽高結陣雲陰
前身或是乘槎客碧漢銀河取次尋

度井陘

石谿磊磊水環隄喚起雞聲更馬蹄三晉山川分左右
一陁塵土逐高低樾陰逗日連村動麥秀含風掠地齊
近北韶華終覺晚尚攜春服事攀躋

題兩江號

長江西來雙白龍接天波浪春溶溶羣鷗弄影舞欲下

獨鶴轉翅鳴相從雨後鶯花看不盡煙中舟楫望猶重
主人不是鷗夷子一曲滄浪十二峯

五月廿七日雨後過山居觀屏間所留摘實更
豐肥而色回蔥蒨詰旦南鄰致白菊一本三
花燦然皆異也賦詩紀之

菊花開早摘收遲碩果幽芳又一時未用千頭當萬戶
只愁無酒負新詩薰風五月黃金顆畏日南鄰白雪籬
欲起三家問書法春秋何例合修辭

雨後

兩送微涼月向圓江樓獨倚早秋天
梧桐自解知時令
牛女何心識歲年
近水夜雲常結綺
含風海氣半為煙
倦來欲展南窗臥
宋玉悲哀是偶然

和張贊卿喜雪

雪滿琳居小洞天陽春一曲為誰傳
雲低百尺闌干外
寒在半空樓閣邊
柳絮梨花俱不俗
瑤臺玉署本通仙
洞庭新水東風裏
會送江湖萬斛船

癸巳春日崔東洲蔣東曉陸體齋諸同寅作湖

山之行

早春風日未全和十里湖隄小隊過歌舞樓臺聊復爾
興亡今日竟如何三竿日影山中寺千樹梅花水上坡
面面紫青看不厭好峯偏向夕陽多

寄鄭思齋侍御罷官

百年何處無風雨試問行人歸未歸畫裏山川看亦險
人間岐路事多違海門有影龍方戰桑土何心鳥倦飛

最好中流千尺浪不曾搖折釣魚磯

德清谿南山水

從乾元絕頂東樓午餉是日晴朗一望極目但不能
把酒復自元峯觀北折山家玉蘭一樹高可三丈餘
兩虬株盛開香風遠襲亦一奇境也

連朝積雨喜新晴渡水登山取次行南斗星辰莫吳越
東風煙浪接蓬瀛半生酒醺元無分二月花枝太有情
回首好山千萬疊青雲長傍澗松明

嵯縣早發沿涉新昌道中

沙明水淺映疎星十里春寒護短亭地僻稀聞行客早
日高初見遠山青羊腸鳥背尋常事問竹看花次第經
一任午風吹不斷薄羅衣袂近蒼溟

經天姥

天姥峯頭雲日開欲臨東海望蓬萊不辭謝客登山屐
遠愧孫郎作賦才秀色南來連五嶺星文高處接三台
何人更有凌空手為築黃金萬里臺

天台東入寧海

侵晨起踏天台路雨意微蒸海上霞嚴衛共傳天使節
艷深疑到地仙家千盤雲外羊腸坂幾樹山頭謝豹花
欲問當年劉阮事人間紅日又西斜

寧海北歸

海城風物送歸程一段春遊畫不成山色有無分近遠
嶺雲濃淡識陰晴青浮島嶼鯨波立綠暗松杉鳥道橫
欲采柔芳寄相憶好花開遍不知名

桐江舟行沿月

錦帆明月舵樓風
逝水澄鮮復映空
萬里鶴歸迷近遠
一谿人語隔西東
廣寒金粟秋香動
碧落銀槎海氣通
漫向桐江論往事
客星元是釣魚翁

瑞虹

江湖住傍青山好
舟楫來驚白浪多
兩岸菰蒲迴鶴鶴
中流風雨長蛟鼉
書隨驛使心先寄
秋逐年光鬢已皤
一曲滄浪多少意
況堪重聽楚聲歌

白鹿洞遊眺

亭臺高下恣登臨
泉石松篁處處尋
一徑莓苔無俗轍
四時弦誦有清音
人逢勝境功名薄
山到斜陽紫翠深
五老不隨雲雨變
卜隣初見古人心

伏日自南康郡城登觀瀾閣

匡廬彭蠡氣爭雄
一段閒雲萬頃風
五老地高俱拱北
九江天遠總朝東
秋期先逐鄉心到
眼界聊隨野望空
更向青霄問明月
盡闌人在水晶宮

十二月朔雪夜宿宣風館次壁間韻

歲晚溪流凍有痕
嶺頭雲日瘴猶渾
向來萍實千年事
一去梅花幾村高
鳥過林驚積雪長
亭催客易黃昏
深慚未遂還吳計
獨譜離騷招楚魂

二月廿二日冒雨發天長斷橋亂水經涉甚險
軟輿籠雨破春寒
煙水江淮路百盤
橋斷正憐羸馬度
雲深疑有老龍蟠
行邊白髮和愁長
望裏青山帶濕看
為問陰晴成底事
鷓鴣終羨一枝安

虹縣曉發

是日
清明

拂曙星河擁使旌
隋堤花柳報清明
人家煙火寒猶禁
客子衣裳暖漸輕
夾岸露華添細水
浮空春色抱孤城
東風滿地皆芳草
一為多情盡日行

南陵王望雲樓

五色雲中本帝州
梁園更起望雲樓
太行西去天逾近
華表歸來鶴暫留
貝闕珠宮元渺渺
白衣蒼狗自悠悠
憑將一掬思親淚
灑向朱闌最上頭

洛陽書懷

河山天地此中州
千古風雲擁上游
王氣不消天正遠
元功猶在水常流
幾時荊棘銅駝巷
何處隋唐五鳳樓
六十頭顱身萬里
香山洛社愧前修

登華山至青坪

群玉峯頭鐵鎖寒
周秦遺事共漫漫
山從拔地五千仞
路向穿雲十八盤
上界樓臺懸日月
下方風雨長波瀾
乾坤不博蒙頭睡
一借神仙蛻骨看

棧道寄康德涵修撰

當年館閣重離羣
渭北過逢正暮雲
髯鬢共驚俱長大
寒暄無處不慙慙
人皆欲殺偏憐我
老更何求敢負君
一上陳倉雲路永
蜀川歌調況堪聞

利路紀雨

欹枕無眠萬里心
濟時須仗傅巖霖
三更忽送千山雨
五月難逢半日陰
禾黍壠頭新水漲
芭蕉聲裏大江深
起來欲着蓑衣舞
細聽牕前斷續音

八月一日出郊秋色佳甚

遠山流水曉雲和松有盤陀竹有坡兩月簿書堆積滿
千重巖壑夢魂多萼絲漸逐秋心長鴈信憑將旅恨過
一出郊關風景別桃源未敢問如何

十月六日晚登大安門樓望雪山

歲晚天空旭日晴雪山當面始分明登臨到我元無約
風景於人似有情樓閣欲從千里見雲烟誰借一朝清
不知地位高多少瑤樹琪花近五城

詰朝侵曉再出西城門

曙色喧闐滿市樓穿雲十里度林丘漢家事業三分國
禹貢山川九等州村落人煙風不散園田生計歲應收
茂林修竹渾如許安得蘭亭擅昔遊

微雨出城赴南泉憲長草堂之招偶述

衝雲重作草堂遊庭樹青黃濕未收子美有靈終戀蜀
孔明無計為安劉何須往事千年恨自愛長江萬里流
老去諸緣看漸盡每逢知己勝封侯

仲冬望東郊送鄒和峯侍御

冉冉山雲壓樹低
村村茅屋帶沙谿
征旗滿路風初勁
尊酒長亭日又西
栢府獨傳烏夜曲
花驄偏戀錦障泥
隔林好鳥知人意
更向離筵盡力啼

至後四日偕鄭少參謁孔明祠

丞相祠堂特地過
仲冬風日更柔和
時隨運去終應爾
事與心違獨奈何
庭樹不凋棲燕雀
江流有恨泣蛟鼉
唐碑漢署青山下
過客留題積漸多

過萬里橋

愁聞萬里橋南路回首關河萬里多
入望煖雲山破白
長年臘月水層波石闌且逐行行度
蜀道時聽欸欸歌
此去應知東到海欲憑雙鯉問如何

儼山集卷十四